

張三豐全集

江左書林印

張三豐先生全集卷七

漢嘉長乙山人李西月重編

張道淵子深氏敬書

侄瑛春城

閩中朱道生晚成子敬刊

朱瓚素園仝校字

男璜蟠溪

斗母元尊九皇真經

祝香讚

天中斗。心中斗。敬斗先敬心。敬心還敬斗。心  
符七返七。數合九還九。寶鼎焚香。皈依斗母。  
三沐三薰。稽首頓首。

志心皈命禮

太初神后。天竺聖人。主宰魁罡。往來印度。躬  
居高上之境。極建大中之天。統攝萬靈。游行三  
界。丹成九鼎。道濟羣生。大悲大願。大聖大慈

。一炁梵王。先天神后。摩利支天斗母無上元君。

志心皈命禮

至真傳道。太清選仙。居武當而啓教。爲文始之  
正傳。如癡如醉。混仙跡於麗春。教孝教忠。闡  
玄風於華夏。度萬三於溟海。壻女同升。續龍虎  
之神通。道法兼備。十方寶筏。三教宗師。大悲  
大願。大慈大仁。至玄至妙。至奇至神。東華首  
相。三清外臣。雷霆神吏。靈寶天師。太和一炁  
始祖。道通文遠真君。通微顯化天尊。

志心皈命禮

玉清內相。金闕選仙。化身爲三教之師。掌法判  
五雷之令。黃梁夢覺。忘世上之功名。寶劍光輝  
。斬人間之妖怪。四生六道。有感必孚。三界十

方。無求不應。黃鶴樓中留勝蹟。紫芝洞內煉靈  
砂。存聖像於雲崖。顯仙蹤於玉宇。闡法門之香  
火。作玄嗣之梯航。大聖大慈。大仁大孝。開山  
啓教。玄應祖師。天雷上相。靈寶真人。純陽演  
正警化孚佑帝君。興行妙道天尊。普度光圓。自  
在文尼真佛。

開經玄蘊咒

一炁胎無極。先天先地根。洞虛含造化。恭肅候  
神明。月吐白毫相。雲歸赤色門。天潢隨轉運。  
帝輦不留停。德合三元理。功傳九子靈。巍巍真  
父母。郁郁古經文。至道包玄妙。真人體至誠。  
虔心能感格。萬古署長生。先天神后斗姆元尊。  
爾時大道九皇真經。

先天道后。斗姆元尊。居一炁梵天斗樞宮內。與周御國王。斗父天尊。俱俯觀下方。有一真人。姓張名通。道號崑陽。乃系九皇第五天禽臨凡。修道於北元南明之際。寄跡嶮峩福泉山。虔誠禮斗。候詔飛昇。斗姆慈心感動。璇璣運處。劃然一聲。現出光明妙相。乘七豕之車。一時辰內。即降真人。禮斗壇中。結彩雲。懸寶座。而爲說此。九皇真經真人。稽首頓首。伏拜座前。是時斗姆告真人曰。起。吾語汝。吾即摩利支天萬泰陽也。天皇之前。吾已出世。地皇之先。吾住西洲天竺國。運大神通。往來印度。繼見北洲鬱單越。周御國王辰祭從。心慈好善。因往助之。覓淨土。築垣闕。持書戊己之宮。實養金胎之室。

一團神氣。三次超脫。爲生聖嗣九頭。長曰天英。  
。是爲人皇。後陞玉真仙靈。二曰天任。三曰天  
柱。四曰天心。五曰天禽。六曰天輔。七曰天冲  
。八曰天芮。九曰天蓬。瓊林玉蕊。亭亭森森。  
是爲九子。是號九皇。人皇與羣季分治。九州稱  
居方氏。仁風灑蕩。普惠羣生。九皇昇舉。子母  
同居。元始。稱吾爲先天道后。以著養育九皇之  
德。鴻鈞在手。掌握斗樞。九皇上映九星。九星  
環繞一垣。君憑一炁妙。更化七元君。九辰或下  
世。七元代運行。  
斗姆曰。若世有修德行道之人。敬問九皇所司。  
七元所代者。但與說北斗列星。其所宰皆可知也。  
。斗爲天車。運於中央。臨制八表。燮理陰陽。  
建四時和五行。定諸紀。移節度。均擊於斗。一

爲天樞主陽德。二爲天璇主陰刑。三爲天璣主福善。四爲天權主禍惡。五爲玉衡主生殺。六爲開陽主百穀。七爲搖光主六師。八居開陽之左。名曰輔星。九居搖光之右。名曰弼星。皆所以佐斗成功者也。於是說大聖北斗九皇星君列號曰。

大聖北斗九皇第一陽德貪狼星君  
大聖北斗九皇第二陰刑巨門星君  
大聖北斗九皇第三福善祿存星君  
大聖北斗九皇第四殄惡文曲星君  
大聖北斗九皇第五生殺廉貞星君  
大聖北斗九皇第六樹穀武曲星君  
大聖北斗九皇第七統師破軍星君  
大聖北斗九皇第八左輔洞明星君  
大聖北斗九皇第九右弼隱光星君

如是星君名號。燦著天文。掌延生注死之籍。司  
福善禍淫之權。天子諸侯。公卿士庶。一切生命  
。均屬斗宮。若有善男子。善女人。身遭老病。  
種種苦趣。但能悔罪消愆。誠心禮斗。誦此大道  
經訓。燃點九皇神燈。照護命宮。自然轉禍爲福  
。化祲爲祥。所有效驗。不可具述。  
斗姆曰。北斗之廻旋。端望七元之返復。其體坤  
中乾。其性柔中剛。道闡妙中妙。氣稟陽中陽。  
秦末之年。顯化西漢。現身說法。面服高皇。若  
有祈福善人。欲睹七元金仙大聖之儀者。必先掃  
除塵念。清淨心源。恭身頰首。冥目靜觀。天樂  
浮空之際。自現金容。自露金身。有若麻姑神像  
。有若上元夫人。女子英雄之氣。慈悲普救衆生  
。但得七元君。陟降於中庭。諸邪皆鷄退。百福

似駢臻。於是說北斗七元解厄應驗咒曰。

大聖北斗七元君能解一身厄

大聖北斗七元君能解二豎厄

大聖北斗七元君能解三尸厄

大聖北斗七元君能解四殺厄

大聖北斗七元君能解五賊厄

大聖北斗七元君能解六淫厄

大聖北斗七元君能解七傷厄

大聖北斗七元君能解八難厄

大聖北斗七元君能解九橫厄

大聖北斗七元君能解十魔厄

聖哉七元君。福及信善人。

有疾皆能解。無常不敢侵。

神於醫治病。應似谷傳聲。

欲睹光明像。焚香候月生。斗姆曰。七元返復。又望九皇廻還。敬七元者。能使人却死延生。敬九皇者。更令人成仙作佛。若有善男女。先禮七元高真。復禮九皇大聖。其居家住宅。必有甘露下降。醴泉發生。掬而飲之。返老還童。金光罩體。再於九皇位前。一周供儀。九載行持。功成行滿。跨鶴昇空。禮斗善報。有如是者。於是說北斗九皇應驗咒曰。

大聖北斗九皇君能解一切厄  
大聖北斗九皇君能解二曜厄  
大聖北斗九皇君能解三災厄  
大聖北斗九皇君能解四緣厄  
大聖北斗九皇君能解五蘊厄  
大聖北斗九皇君能解六塵厄

大聖北斗九皇君能解七殺厄  
大聖北斗九皇君能解八風厄  
大聖北斗九皇君能解九幽厄  
大聖北斗九皇君能解十纏厄

神哉九皇君。恩光遍九垓。

無障無災體。不生不滅身。

往來勤度世。天地普游春。

道法無邊際。祥雲護上真。

斗姆重告真人曰。七元九皇。皆吾先天一炁。相

接而生。一炁之動靜。陰陽晦朔。晝夜昏曉。皆

倡率焉。一氣之造化。五行八卦。河洛易數。皆

渾括焉。年月日時。天干地支。東西南北。山川

海嶽。卵胎濕化。無非一炁之所在。大無不包。

細無不入。信之者生。背之者死。從之者昌。違

之者亡。三教大罪。均宜知此。汝本九皇第五天禽下界。不恃前因。只憑現在。現在能修。前因可續。七九功成。將臻聖境。故吾說此經典。名曰先天一炁。九皇真經。吾說汝傳。最爲親切。此經在處。萬靈守衛。千聖稱揚。三元梗概。一氣相連。熟讀此經。克離死生。熟讀此經。克悉玄因。寶而傳之。非人勿示。斗姆說經將畢。天仙列宿來迎。還於斗宮。是時真人受得妙法。上對斗姆言。某今誓願流行。以傳善士。若有男女。受持讀誦。我當與斗中仙官。所在擁護。於是再拜斗姆。而說讚曰。

家有九皇經。本命降真靈。  
家有九皇經。父母保長生。  
家有九皇經。七祖皆超昇。

家有九皇經。九玄亦登真。  
家有九皇經。諸厭化爲塵。  
家有九皇經。萬邪自歸正。  
家有九皇經。衆惡永消清。  
家有九皇經。十簇自生榮。  
家有九皇經。長保亨利貞。  
斗姆曰。善哉善哉。汝可宣揚正教。功德無邊。  
接引後同修道果。真人稽首禮謝。信受奉行。  
先天神后斗姆元尊大道九皇真經  
先天純陽氏孚佑帝君曰。某昔與涵三大衆。敷說  
瞻星禮斗章。以爲世傳斗科。僅有禮拜之儀。而  
少秘密之訣。今觀  
斗姆元尊。與崑陽真君。所說九皇經典。渾三元  
之大道。明一炁之靈通。足與

太上五斗。後先同揆也。上士修之。必能超凡入  
聖。中士悟之。亦可見性明心。普願三千大千。  
百世萬世。中人。皈依崇奉。功德無量。某今爲  
禮斗之士。宣列科條。凡習九皇真經者。先要清  
除斗室。屏息塵緣。面北稽首。端拱而立。恍如  
斗姆天容。降臨在上。又如千真萬聖。環侍其間。  
。然後虔誠禮斗。身欲其端。心欲其正。神欲其  
定。意欲其慧。氣欲其和。聲欲其平。升降有節。  
。進退有文。起止有儀。興伏有度。先拜睿號。  
。次誦真經。誦經禮畢。復持斗咒二章。某雖不敏  
。竊嘗考諸道藏佛經。而知斗姆梵音。有數十餘  
條。不能使人遍持。茲將藏經所載。簡切靈應者  
。與諸善士一宣揚之。

斗姆心咒曰

曩謨囉但曩。多囉夜野。但你也他。阿迦摩臬。  
摩迦摩臬。阿度摩臬。支鉢囉摩臬。摩訶支鉢囉  
摩臬。阿但馱。曩摩臬。摩里支野摩臬。曩謨粹  
都帝。囉吃吖。囉吃吖。輪。娑縛薩但縛難左。  
娑縛但囉娑縛娑喻鉢捺囉。吠毘藥。娑縛賀。南  
無三漫多沒馱喃。唵嗎哩嗟芒娑訶。

梵音便讀

南無來旦拏。多來夜野。但你也拖。阿迦摩徒。  
摩迦摩徒。阿度摩徒。十不來摩徒。摩訶。卜不  
來摩徒。阿旦陀。拏摩徒。摩利卜野摩徒。拏摩  
歲都帝。來吉槎。來吉槎。牟沙鞞薩旦鞞爛左。  
沙鞞旦來。沙鞞娑子不納來。費皮藥。娑鞞賀。  
南無三漫多。母馱南。安麻利。即芒娑訶。

又宣揚北斗心咒曰



先天神后摩利支菩薩斗姆無上元尊九稱

願以此功德。普及於一切。  
我今得受持。光華傳萬劫。

前三教上聖靈妙真經

三部真經。筆仿黃庭。其言本勸人頂敬神聖。  
而却於金丹之道。亦具其中。字面字義。皆可  
奉行。愚本不敢贊一辭。因奉師手授。並命其  
即授爲註。愚乃退而註之。題解曰。前指太極  
之先。三教謂立命。了命復命之傳。上聖喻言  
。上品金丹。靈比先天元神。極隱微而難測。  
妙含兑中少女。納震男之陽光。真經即真鉛也。  
。昔上陽真人。註太上度人妙經。作題頌曰。  
太上端居太極。先本於父母末生前。度人度我  
真經度。若問真經癸是鉛。愚於此題亦云。

孚佑帝君開經贊

先天祖炁。默默深深。琴彈法韻。笛奏仙音。  
香花滿室。似瑤林。內院沉沉。無上三尊聖駕  
臨。

先天祖炁。大藥也。默默深深。未判時也。  
琴。喻致和也。笛。喻調息。並喻空中也。  
香花句。比鉛花出鼎。末二句。實指一塵不  
染。至誠感動也。一偈已見全經之旨。

爾時。洞玄張仙真。虬龍捧筆演真經。經言三教

古聖人。道高萬世享明禋。東周尼山素王生。冬

月望日臨昌平周正建子冬月屬戌於西方悉達牟尼

身。四月八日臨衛城商正建丑四月屬辰於十方三

界太上君。二月十五降威靈商正建丑二月屬寅於

幾千百載轉鴻鈞。元炁足兮鍾聖英。天上地上此

三尊。浩浩劫劫皆知名。爾時者。爾即已我之對。時即陽生之時。先天大道。皆自爾時發露。故說真經名。用此語作起。祖師演洞明經。晉秩洞玄。洞無所不通。玄能窮其妙。今又演此靈妙真經。包括金丹大藥。虬屬陰。龍屬陽。陰陽會於筆下。大道出於真經也。經言古聖人出世成道之後。受享萬代明禋。勉後學頂禮聖人。勉後學誠求金丹也。然此上聖三尊。誕期不同。即可想先天藥產。活子時亦不可拘。聖人要數千百載轉鴻鈞。元炁充足。而後鍾育其靈。此正如金丹之道。必越五千四十八日。然後金氣足而水潮生也。天地之上。惟此三聖最尊。一身之中。惟此金鉛最貴。浩浩劫劫。皆聞其名。得丹之後。經

浩劫而不壞也。

吾今敷說三聖經。水有淵源樹有根。願人體此三  
聖恩。歲逢聖誕抒虔誠。不須邊豆如朝廷。不須  
懺會鳴魚鯨。只須齋肅正冠巾。洒掃精廬絕懺塵  
。空空虛室然銀燈。香篆盤旋一縷清。水菓茗花  
潔且馨。卑躬頂禮候雲輶。願保乾元亨利貞。願  
斷貪癡愛慾嗔。願習道德五千文。願行三教游長  
春。一念真參念不紛。鴻庥下賜不因循。三聖統  
該萬部神。予福予壽誰阻臨。敷說真經。則尊真經者。  
祖師以敬聖人之意。敷說真經。則尊真經者。  
即當如尊聖人。先天一炁。自虛無中出。似莫  
測其根源。而豈知陽產癸中。實是水有源。木  
有本。但願人體。念其本源之恩。若逢真一炁  
臨。必抒虔誠迎迓。如值聖人誕期焉。參同契

曰。至誠專密。謹候日辰。是也。君子以此道  
爲貴。則邊豆之事。付與司存。懺會之徒。任  
彼僧道。我惟齋吾心。肅吾神。又室臨爐。正  
冠岸巾而待。以黃房爲精廬。以玄闕爲虛室。  
纖塵盡掃。萬慮皆空。金銀光現。儼若明燈。  
銀燈喻鉛鼎也。一縷清香。即是一陽初氣。水  
菓茗花。正佛家藥物之喻也。爾時水源至清。  
玉蕊初發。豈不潔且馨乎。參同曰。真人至妙  
。若有若無。爾時要卑躬頂禮。曲聽旋視。則  
真人之雲輶方至。候真人如候聖人也。乾元亨  
利貞。比五行之攢簇。貪癡愛慾嗔。須一絲之  
不挂。道德五千言。說此真常道也。叅酌乎三  
教之訓。乃許大用當前。得之俄頃。永保長春  
。故曰。一念真叅。鴻庥下賜也。不因循者。

片晌結成陽丹也。三姓會合於中宮。萬神皆爲  
之聽令。故曰統該萬部也。福我壽我。全在先  
天。一身之識神。誰敢阻哉。  
若把真經當真金。勝似人間凡鉛銀。至誠專密懷  
奇珍。汝家定許不空貧。潤身潤屋富庚辛。安居  
自在樂無垠。匪惟減壽而延齡。亦將立命以全形  
。暗中黑籍除幽冥。視履嘉祥瑞靄興。眼前已展  
大門庭。身後還有賢玉昆。積功累行洽比鄰。風  
行鄉黨化爲仁。百年蟬蛻返瑤京。朱霞擁護登天  
門。

真經即指真金。祖師至此明說也。真金爲長生  
命寶。豈是凡鉛凡銀。所可則語。但當至誠專  
密。寶若奇珍。則真金返舍。黃白滿堂。夫豈  
復嘆家貧乎。潤屋潤身。安居自在。皆言凝合

丹頭。真氣在抱也。陽丹到手。之。但如煉已築  
基。只堪減病延年。直可立命全形。長生久視  
也。斯時也。仙班題姓。黑籍除名。所謂罪垢  
凡塵一筆消也。視履之間。安然淡然。大展門  
庭。丹廬署仙人之府。再以陽丹母氣。擒伏陰  
丹。子氣煉成。金液九還。復加以換鼎分胎。  
則金昆玉仲。箇箇會騎鶴也。由是而隱顯人寰  
。積功累行。既度了我。復度他人。天符一到  
。白日飛昇。則朱霞擁護。登天門矣。上根道  
器。須體經義實行。乃可臻此。勿謂終身口誦  
。即可以成仙也。愈恚交加逞惡聲。  
莫逢聖誕不闕心。房中昵色並宣淫。天神察奪難留停。  
平時敬聖極忱忱。到此尤宜戒懼深。

此刻全無頂禮情。即此可以推居恒。人逢聖誕最要關心。時值陽生。須當用意。若猶忿恚逞惡。貪戀淫色。未有不走真氣者。非特自損其身。天神糾察。亦將奪其壽年。待時煉己。固屬忱忱。入室臨廬。更深戒懼。求鉛無鄭重之情。則居恒煉己。亦可推其不純也。此節反覆誥誠。詞旨極明。吾願人人奉祇承。洗心滌慮孤衷純。視雖不見聽不聞。儼然三聖乘紅雲。宣尼威儀旭日暎。釋迦法象秋月輪。囿闕紫氣來繽紛。使人瞻畏時兢兢。高山景仰彌慤勤。士庶終非凡俗倫。敬聖者。須致欽承。求鉛者。宜守靜篤。洗心滌慮純孤衷。以觀其復焉。純與雜相反。求丹

純誠。乃克有濟。大抵氣定神凝。則純。欲動情。勝則雜。按候求鉛則純。非時妄作則雜。又況先天之氣。默默深深。無聲無影。不見不聞。夫惟恭己視聽。乃如有見有聞也。觀聖人之乘雲。若真人之出鼎。師所謂一顆紅光。是至真也。如旭日者。陽光新現。初三之夕也。如秋月者。金水充足。十五之夜也。如紫氣者。真氣騰騰。玄闕火發也。丹家言初三。又言十五者。初三象金水之氣新。十五象金水之氣足。氣不足則水不生。初三。十五須在一時看。須作一串想。不可以數算計也。若以數算計。安得謂之活子時乎。初三之中。即兼十五。初三則二分藥嫩。十五則陽氣純全。黃庭云。三五合契九九節。是也。此時進火。則有紫氣。

入闕之象。否則稍遲刻數。即落後天。而陽丹  
難就也。故當要瞻望兢兢。勿失爻動之候。高  
山景仰。所謂形山對面迎真人也。丹家知此。  
雖士庶亦超凡倫。入聖之機。就在此一戰成功。  
。人可不重其事哉。師傅口訣。盡洩於此。為  
同志告。

中天花雨遍乾坤。說法臺前氣象新。  
山河大地生光明。蓮社花開白雪春。  
上帝嘉憐演真經。遣神侍衛來丙丁。  
是日是夜月出庚。清輝朗映虛危星。  
碧落隱隱聞簫笙。捧爐信士望空迎。  
尊經為主身為賓。從此修持解邪侵。  
中天比虛無之境。花雨譬金水之生。  
虛無妙合  
乾坤。鼎爐在其中。天星地潮。正如遍滿乾坤。

也。說法臺。煉丹所也。臺前之氣象何如。泥丸云。山河大地發猛火。張果云。開爐已覺放光明。此臺前之氣象也。蓮社花開白雪春。鉛花現如雪花白也。上帝喻心君。心愛真金。即運神火以煉之。悟真謂更假丁公煅煉也。是日是夕。正逢月出庚方。雖明演經之時。正表求金之時也。清光吐露。照映虛危之穴。碧落簫笙。恰似汞迎鉛入。夫婦交歡景象。捧爐信士。即指修丹之人。我投彼家。彼反主而我反賓。賓主浮沉。彼我顛倒。極是求丹妙法。從此修持。得丹入鼎。則陰消陽盛。可解邪侵矣。天地不和誦真經。風雷雨霽及時行。節氣不和誦真經。春秋冬夏能調勻。邦國不泰誦真經。東南西北慶咸亨。

民物不安誦真經。山陬水澤盡歡欣。  
九幽九獄聞真經。可超滯魄度亡魂。  
名山名院藏真經。可接羽士引高僧。  
誦謂修持也。天地比一身。一身之運動無常。  
則雨暴風飄。坎離奔逸。雷轟露冷。男女驚狂。  
。欲使風雷雨露之順布。則必善修真經也。氣  
節言四時。四時之政令不審。則春卯秋酉。沐  
浴乖違。冬暑夏霜。陰陽反變。欲使春夏秋冬  
之合符。亦必善修真經也。邦國此丹基。真經  
安全。則東南西北皆共慶。民物亦此丹基。真  
經泰定。則山陬水澤皆相懽。他如幽獄魂魄。  
皆屬陰邪。得真經而陰退也。山院羽僧。體存  
陽半。得真經而陽全矣。真經首重聖誕辰。

片晌信受亦生榮。矧能永保登上乘。  
千祥未可具敷陳。瑤圃參透即蓬瀛。  
巍巍宣說靈妙經。洞玄主宰天師孫。  
妙諦層層。承一段而總束之。民物邦國。氣節  
天地。其於築基煉己。採藥和丹之層次。密包  
其中。然此篇真經。只重金丹大事。故開首即  
講聖誕。以比先天之生。金丹以真陰真陽。二  
八同類之物。擒在一時。煉成一粒陽丹。其造  
化在片晌。人能片晌信受。即能片晌生輝。况  
又保而不失。舉陽丹以合陰丹。煉為金液九還  
。豈非更登上乘乎。九還成就千祥雲集。人能  
參透瑤圃。則與蓬山不遠也。宣說此經。闡揚  
靈妙。若非洞參玄微之主宰。其孰能之。主宰  
為誰。張天師聖孫。三丰祖師也。惟真師能談

真道。夫豈易言者哉。

中三教大聖靈應真經

中喻自外入內。金來歸性之功也。三教喻養性。見性。復性之道。與前三教合取一義。大聖比大還靈。即一粒靈丹。應即內外相應。真經者。金液也。

孚佑帝君開經讚

醍醐灌頂。味釀香醲。法臺掃淨。花雨彌空。白雲開嶂出晴空。滿院和風。遙望三尊聖德容。

當頭一偈。已見。此經。皆言金液大還之旨。茲不必註。

洞玄至人張仙翁。經傳靈應下蒼穹。道有三聖位居中。先倡後隨聲教隆。

一尊鄒嶧兗州東。一尊潮音落迦峯。  
一尊闕令啓玄風。道行華夏及胡戎。  
中三聖人降天宮。恩波浩浩澤溶溶。  
集義爲氣精神充。至剛至大誰陶鎔。  
尋聲赴感慈悲洪。救苦救難蘇塵蒙。  
文始先生如游龍。領袖羣真參化功。  
三聖靈光間氣鍾。亦因學養足三冬。  
大人尚志飭儒躬。居仁由義出羣雍。  
普陀念道抱孤哀。十魔九難証圓通。  
石樓山上雲霞封。苦志精修神丹紅。  
拔宅齊昇直上冲。至今明月照蘿松。  
靈應真經。祖師下蒼穹。傳與人間。何殊甘露  
下降也。三聖雖殊。總一復性之道。總一守中  
之理。故皆位乎中焉。先倡後隨者。前三聖倡

之。中三聖隨之。有如金丹倡於前。金液隨於後也。參同云。卒得金華。轉而相因。化爲白液。凝而至堅。又曰金華先倡。解化爲水。金華者。先天一炁而已。功夫到此。聲教愈隆。當其先。三聖之出處。各有不同。然皆是乾金之體。鍾靈毓秀。下降天宮。恩佑世人。此亦如金丹入鼎。與乾交合之後。渡鵲橋。上崑山。旋化爲一盞。醍醐灌頂門。而下鵲橋。歸黃房。而結靈丹也。浩浩溶溶。實形美液之狀。此丹也。乃是集義而生。義屬金。至大至剛。天地不能陶鑄。又復尋聲而至。至比還。救苦救難。甘露遍洒塵途。他日破頂而出。矯若游龍。可參造化之功也。靈光如此。無非自修持養育得來。亞聖之尚志。慈航之煉道。石樓之

修丹。皆同此也。吾願人間盡恪恭。仰瞻功德如高崧。若聞三聖誕期逢。茗香馥郁水花濃。默誦真經蕩滌胸。如沾聖惠睹真容。儼然入廟調笙鏞。儼然入寺諧鼓鍾。池上龜浮聽敲筒。雲間鳳舞和絲桐。法駕青鸞白鶴從。有感即應慶重重。金液之生。祖師願人敬重之。此箇誕期。是此金液生時。茗香馥郁水花濃。比其香如酥。甘如蜜也。蕩滌胸襟。始沾金液之惠。結成靈質。如睹金光之容。此等道味。非凡人所得嘗也。陳上陽真人云。刀圭入口。運己真火以養之。運火之際。忽覺夾脊。真氣上冲泥丸。瀝瀝然有聲。似有物觸上腦中。須臾如雀卵。顆顆

自腭下重樓。如水酥香甜。甘美無比。覺有此  
狀。乃驗得金液還丹。徐徐咽歸丹田。自此而  
後。常常不絕。閉目內觀臟腑。歷歷如照燭。  
漸次有金光罩體也。至於笙鏞以調之。鍾鼓以  
樂之。正金公與青娥相見時也。敲竹喚龜。龜  
聽我喚。鼓琴招鳳。鳳受彼招。此即悟真篇之  
旨也。青鸞喻龍之弦氣。白鶴喻虎之弦氣。龍  
吞虎啗。內外藥凝。有感即應。聲氣相通也。  
此言金液內藥。必合金丹外藥。而後成功慶幸  
耳。

儒生頂敬開明聰。緇流頂敬豁痴聾。

羽人頂敬振昏瞢。音蒙。莫將三聖分三公。

三教殊途妙自同。養性存神萬里融。

見性定神萬法空。玄門退步多英雄。

煉性調神合其宗。

學真道之人。無分三教。只要敬重靈藥。結爲靈丹。則養性存神。見性定神。煉性調神。三教皆合一宗也。

真經諷出韻瑒璫。瓔珞琅玕相玲瓏。

漲墨消除寶燄熊。世間當用赤紗籠。

可以傳之戒商工。可以表之勉士農。

可以訓世而課童。可以戶誦而龕供。

可以迪吉而免凶。可謂玉應而金春。

真經細玩垂簾櫳。方知三聖身始終。

時雨化物生葱龍。甘露洒天垂芙蓉。

九篇文勢擁河灘。言言寶筏度人舩。

真經比金液。觸丸泥而有聲。故曰韻瑒璫。結

成大丹。則與佛家瓔珞。外丹琅玕。玲瓏相映

也。漲墨除而寶燄熊。喻如鉛乾汞添也。靈丹入鼎。百脈歸根。環匝闕防。運符包裹。即如赤紗籠也。衆生識此。皆可入道。參同云。覆謬衆文。傳世迷惑。遂使宦者不仕。農夫失耘。商人棄貨。志士家貧。吾甚傷之。祖師與魏伯陽同慈悲也。故爲重言。可以。以曉之。人能細玩真經。則三聖之始終可知。金丹之始終亦可知也。孟子之時雨。大土之甘露。文始之詞源。皆如此。金液大丹。真乃度世寶勰。學儒學佛學仙踪。不知三聖智凡庸。覆載林林與總總。匆音。願人頂禮毋疎慵。三聖之書如菽菘。千門萬戶備飧饗。三聖之道如穹窿。八方四極齊幘幪。對經思聖宜肅雝。靈臺勿始念憧憧。

靜養天懷若稚種。主人明月白臃腫。  
時時刻刻戒輕鬆。溫溫存存加研功。  
經堂四面煖雲烘。一粒心花含紫茸。  
入聖超凡由我儂。  
人不知三聖之功。必皆墜落凡庸。人不知金液  
之道。必不能成神仙。願人對經思聖。願人照  
經煉丹也。煉丹之法。先要淨掃靈台。勿使念  
擾。合丹之後。又要靜養嬰兒。心如明月。時  
時刻刻。溫溫存存。此十月功夫也。經堂喻丹  
田。煖雲烘照。悟真云。內有天然真火。爐中  
赫赫長紅者也。結成一粒心花。則入聖超凡由  
我做矣。  
莫忘君父違孝忠。莫學冥頑逞禪鋒。  
莫效旁門落倥侗。下墮泥犁入鬼叢。

三聖在天日瞳矐。顯良佑善開陰濛。  
真經傳出氣如虹。文光赫赫斗牛衝。  
高提長劍倚崆峒。天仙靈聖號三丰。  
莫忘四句。戒人立大本。求大道也。三聖在天  
。明如皎日。默爲良民善士。掃去災邪。此亦  
如九還到手。正陽立而諸陰散矣。經氣如虹。  
光赫赫而射斗牛。正如嬰兒出胎。破頂衝霄的  
氣象。今日之長劍高提。倚崆峒而說法者。即  
從大道得來。位登無上。三丰仙師也。  
後三教大聖靈真經  
後指丹成之後。此三教義取同歸。大聖即大道  
。靈通則變化無方。真經者真聖也。  
一陽何祖開經偈  
修經圓滿。普度良緣。香凝寶篆。地湧金蓮。

大儒大佛大羅仙。跨鳳登天。又見三尊聖象嚴。  
真經修圓滿。是指大道已成也。惟當普度良緣。  
。位証至無上耳。此篇立意。即如此偈。  
洞玄真人張玄玄。懷抱真經與世宣。  
於今又說三聖篇。三篇九聖九陽全。  
梓潼文帝七曲巔。達摩初祖一莖蓮。  
孚佑獨撐大願船。派開南北道無邊。  
三聖靈通普八埏。修身苦行曾經年。  
孝友仁慈功德完。廣行三教心拳拳。  
過江面壁志向堅。道包三教神閑閑。  
終南十試屹如山。大哉三教公能肩。  
人見無爲樂自然。誰知有作在其先。  
祖師抱真常之道。重與世宣。又作第三篇。以

全九陽之數。喻九還之成就也。三位聖人。皆証大道。然皆自苦行修來。悟真曰。始於有作無人見。及至無爲衆始知。正此意也。無爲喻面壁之事。若云神通顯化。則是聖人之慈悲。却又又有爲於世也。

三聖慈悲滿塵寰。化蹟無方難縷談。

十七世爲卿相班。陰鷲文中常有言。

萬古宏恩堪詠歎。音談。福星朗照御微垣。

東西土說大乘禪。少林寺上豈無緣。

六朝衲子正紛然。非師誰與挽狂瀾。

佩劍遨遊遍海天。英雄男女授真詮。

奇名幻姓題山川。九州婦孺皆聞焉。

此段言三聖之分胎出神。靈通顯化。蓋望後之成真者。亦如三聖慈悲。訓俗化人。黜邪扶正。

。朝遊北岳。暮宿蒼梧。普度良緣也。  
今我宣揚志士前。功果須如三聖圖。  
成聖成佛與成仙。善心善量宜廣寬。  
若無德行培本元。動有羣魔作障纏。  
道成混跡隱煙寰。仙階他日乃高遷。  
此段勉後人上希三聖。敦崇功果。廣修德行。  
而後能成大道也。  
三聖之心如醴泉。沛澤長流濟後賢。  
向使清河忘人間。何必現身爲宰官。  
向使多那隱涅槃。何來五葉下西乾。  
向使回翁永隔凡。誰度何王與劉韓。  
三聖之心最纏綿。後塵誰步許誰聯。  
此段即三聖之功德。而反言之。若使三聖道成。  
。全無顯路。安有若大慈悲。若大法派哉。誰

步後塵。雖似祖師自喻。亦以勉勵後學。

今我敷辭不憚煩。望人精進窮瑤圃。

文祖真經闡妙鸞。註參大洞包靈丹。

達祖真經見詩緘。珍藏腹內養泥丸。

達摩祖有詩句云腹內。呂祖真經極大觀。

運真經泥丸別主賓。萬人皆度萬人歡。

詩詞歌論韻珊珊。巍巍寶駕駐雲端。

此段言三聖著述。皆以上品丹道為主。文昌帝

君本以儒而參明大洞。得成神聖者也。聖賢何

嘗不學仙道耶。達摩祖師。亦以佛教似煉金丹

。得成聖僧者也。是真佛釋。何嘗不求仙道耶

。而呂祖則不待言也。萬人皆度。三聖婆心。

不已見三教之同源哉。

我願羣生頂禮虔。每逢吉誕焚旃檀。

花水果燈潔且鮮。塵埃掃淨豁松闕。  
默誦真經見聖顏。一輪海日上三竿。  
萬里朱霞照大千。恍如聾啞捧華鑾。  
宛如飛錫半空旋。又見紅雲起碧藍。  
笑迎黃鶴舞翩翩。天神天將搖雷鞭。  
三聖凌風入紫煙。  
此段即三聖之法象靈通。喻出神之妙用。吉  
比脫胎之時。松闕比上丹田。塵埃脫盡。方是  
還虛。見聖顏。喻見己身法象也。日昇霞照。  
喻神光也。三聖之法駕。即比今日之法駕也。  
神將雷鞭。所謂天丁迎衛。霹靂一聲天外天也。

莫道乩沙難求攀。至今訓草如邱蠻。  
莫言隻履遺市廛。至今蓬髮尚迴還。

莫謂棲真止涵三。至今常降嶽雲壇。此段言三聖之靈通。不但當日道成。顯化人間。即今教訓人寰。其神德猶未已也。頌曰。性量圓滿。法周沙界。萬緣雖息。一真自在。見種種相。及萬萬代。引導羣迷。真修不壞。於戲三聖澤咸沾。願人凜凜對莊嚴。爲演真經作疏箋。不須問卦與祈籤。只須積德養清廉。自有神庥疊次覃。文昌筆錄皆誣傳。胡僧棒偈那須參。靈寶畢法休研鑽。真經妙諦挾鍼砭。瑤臺說法掀美髯。

此段言沾三聖之澤者。必體三聖之真道。祖師真經。即當修行之士。一通洪願疏文。但願積德養廉。修成大道。不須打卦求籤也。道成之

後。神庥疊賜。有如天符累詔。他如妄學筆錄。  
。求文帝開悟聰明。妄談棒偈。謂佛法原來如  
是。修持靈寶。只圖却病延年者。皆非三聖之  
真傳也。祖師作三篇大經。標明大道。正可謂  
世人鍼砭。古仙云。爲甚此心開大道。只因原  
向道中來。祖師慈悲之心。不又與三聖相同哉。  
。師髯最美。當年遨遊雲貴人皆呼美髯張公。  
登臺說法。如見掀髯微笑也。

洞  
開經偈

太和一氣轉鴻濛。演教人寰霽日紅。  
包羅萬象森羣峯。慈愛文章錦繡胸。  
鼓鑄元黃氣。潛明。橐籥風。經爲天口話高穹。

爾時

金闕至尊。

玉皇上帝。端拱彌綸之境。高臨燄摩之天。紅雲

捧座。身現三十二色寶光。照臨下界。

睿念惓惓。因降

玉音。垂訓左右諸弼。而白衆言。方今海宇羣生

。沐承平之化。多鄉善之人。但有獨善。必須兼

善。若無兼善。即非善善。汝等願力宏深。更須

乘時闡教。默贊

熙朝。仁風遠播。化雨長施。慈悲度越羣倫。仙

秩還超聖境。是時

玉虛師相。

真武玄帝。稽首上言。臣自黃帝時養真太和。克

成上道。叨侍紫霄。迄今四千餘載。始生一人。

天師之後。號曰全一。廣立功行。有大神通。闢  
邪演正。敷訓元明。南極會上。曾封爲繼武真人  
。謂其光顯太和。追踪臣後。  
玉清至尊。封爲廣慈普度。  
上清至尊。封爲飛龍濟世。  
太清至尊。封爲文遠真君。  
西南諸省。屢受鴻庥。臣念此真。足當鉅任。但  
恐職微。難宏普教。  
至尊加寵。必不負恩。現詣  
昊天。敬申高聽。  
至尊聞奏。喜暢天顏。勅宣陛見。毋致逡巡。真  
君乃容入覲。稽首座前。玄光覆頂。聖眷欣欣。  
帝曰卓哉。爾全一真君。深明大道。師相稱揚。  
已知爾德。果能推心浩遠。暢發玄經。佇命仙苑。

史臣。代制寶誥。錫爾光榮。茲將爾全一真君。  
晉秩洞玄帝君。玉虛右相。參法天師。監察無方。  
。便宜行事。上下八極。任爾游行。有功無過。  
再申寵錫。  
玉音下垂。真君拜命。  
帝受拜已。乃退黃金之殿。居赤玉之宮。昊天師  
相。即命玄天侍從。導引洞玄帝君。流覽北極。  
宴叙三朝。與諸真列宿。洗程餞送。乃復遨遊。  
三清。懇垂寶訓。  
元始天王曰。天地未判。鴻鴻濛濛。五居十內。  
玄統黃中。胚胎萬物。涵養三才。靜而生動。混  
沌初開。  
又說最上法言曰。太和之氣。種於乾父。震爲長  
男。生自坤母。出日入月。闢門闔戶。掌握陰陽

。爲道根祖。人若遇之。壽誕萬古。  
靈寶天王曰。順道成人。逆道成丹。造丹之法。  
以讓以謙。立中生正。兀兀騰騰。下閉地戶。上  
開天門。人若見此。道炁長存。急急如律令。侍  
衛我法身。火符驅萬邪。一點注黃庭。要言不煩。  
。道德天王曰。至道之精。不在繁言。外緣屏去。  
神注丹田。人心忘忘。天恩綿綿。往來內院。順  
彼自然。或長或短。或後或前。生氣灑灑。如車  
轉旋。行之純熟。便可成仙。要言不煩。  
諸天訓已。  
昊天使至。復賜瑤函一章。並錫寶珪寶印。寶劍  
寶冊九德偃月冠。七星如意簪。素綃綺霞之帔。  
紫綃華袞之裳。羽屬絳彩之裙。八寶銖衣。元光

玉履。飛雲金輅。羽蓋瓊輪。仗九光之節。予十  
絕之旛。前踞雙鳳。後隨八鸞。千乘萬騎。朗耀  
清虛。望闕謝恩。返躬無既。帝君乃拜辭。  
諸天上聖。奉教推行。洞玄帝君。降行雲之閣。  
開度世之航。爾時漏天久雨。暑月凝寒。人民怨咨。  
稻梁淹浸。法筵初起。瑞霧團團。佳氣頻臨。清風灑灑。  
朗星照水。曙日出山。乃登妙臺。用開寶訓。帝君曰。  
大哉。至道之微。以言洞達。至道之精。以言明徹。  
經可爲法。尊聖經以法吾法。經本常道。尊聖經以道吾道。  
非有法相。非無法相。非無道名。非無道名。事  
日用行習。即呈法相。非有道名。非無道名。吾普  
理倫常。即是道名。從經者昌。違經者亡。吾普  
法言於薄海。吾宣道妙於遐方。吾引善人於仙鄉。

。又言天人之間。只有福善禍淫兩條。是故作善者。降之千祥。不善者。降之百殃。修身之士。止於至善。而心定上塵。不擾六根。由是三尸去。五賊除。尸賊不能逞其毒。功害不能近其身。積善之中。有驅殃之法焉。非積之從。而乃有善報也。實去惡之時。而已無惡報矣。三聖大典。善量無邊。三聖大經。善緣普度。人何不勉而行之。帝君曰。經典聿成。人宜遵奉。十方大衆。六合羣生。敬奉瑤章。須知寶訓。夫讀書須當爲己。而演經先在濟人。慈悲廣注。福祿來崇。茲諭爾善男信女。每值良辰。焚香禮拜。或居靜地。掃閣繙書。須存三大願。廣立無量功。一願君王仁。

聖。民物咸亨。二願父母康強。宗族共盛。三願  
沉魂滯魄。度世超生。存稀有量。合三無心。不  
求福而福自降。不禳禍而禍自平。此經唸處。神  
鬼齊聽。爲此諭行。各宜遵信。  
帝君曰。經文最重。參禮爲尊。先民有言。至誠  
感格。神駕臨虛。人須頂敬。勿跨水陸之奇珍。  
勿飾法筵之儀器。心清室靜。氣聚香霏。如覩列  
聖諸尊。三元五嶽。洞天福地。海島山洲。一切  
神靈。都來頂上。列列皈依。合掌恭敬。  
上清聖境元始天尊  
上清真境靈寶天尊  
太清仙境道德天尊  
玉皇大天尊玄穹高上帝

九天應元雷聲普化天尊  
北極素王玄聖道君  
南極長生亦精大帝  
東華木公青陽大帝  
西華金母元皇上帝  
中央黃老元皇上帝  
周御國王斗父天尊  
摩利支天斗母元尊  
諸天諸界諸尊聖父大帝  
諸天諸界諸尊聖母元君  
日宮太陽帝君  
月宮太陰皇君  
三元三品三官大帝  
五方五嶽諸尊大帝

三十六天一切尊帝  
九天開化文昌元皇道君  
西來開化釋迦牟尼佛王  
普陀顯化靈感觀世音王  
然燈古佛玉虛明皇大帝  
北極真武玄天仁威大帝  
佑聖司命帝君  
翊聖保德帝君  
玉清首相闕聖帝君  
天樞上相武侯帝君  
太初玄元鐵祖齊陽帝君  
金闕上相鍾祖正陽帝君  
玉清內相呂祖孚佑帝君  
玉清侍節韓祖恒陽帝君

普化玄覺張祖飛陽帝君  
太清上相曹祖洪陽帝君  
西華清妙何祖一陽帝君  
上清真宰藍祖養素帝君  
◎八真派演一切廣道真君  
太清右相劉祖海蟾帝君  
上清右相再祖重陽帝君  
符陽邱真君  
紫陽張真君  
◎南北二派列位真君  
龍虎正法輔演教正一始祖  
◎龍虎掌法列代仙師  
太白救化青蓮先生玉清文妙真君  
蘇文忠公東坡先生衡文翼道真君

蘇文定公穎濱先生衡文輔道真君

◎ 歷代文儒一切得道真君

上清首相隱仙寓化猶龍二祖文始先生

上清真宰隱仙寓化猶龍三祖麻衣先生

太清靜宰隱仙寓化猶龍四祖希夷先生

上清右相隱仙寓化猶龍五祖大龍先生

玉虛右相參法天師猶龍六祖崑陽先生

宏願沈真君

普願汪真人

◎ 祖師派演一切真人

海上三山一切高真  
海內十洲一切高真

十大洞天一切高真  
四大空同一切高真

四大名山一切高真  
四大部洲一切女真

三十六洞天高真  
七十二福地高真

四十大名山高真

清源妙道趙真君

◎ 歷代斬邪護國神

歷代大忠義之神

歷代大孝節之神

濟生上化藥王孫真君

濟生普化藥王許真君

◎ 歷代一切濟生真君

歷代地仙仙師

歷代劍仙仙師

雲天二十八宿萬象星君

六十甲子支干列位

星君

十二宮神分野星君

當年本命元辰星君

三百六十感應天尊

九天司命東厨定福

府君

天上天下值日功曹考校仙官

天上天下值日糾察豁落大將

雷門守將十二天君

五百靈官感應一切

天君

本府城隍碩德尊神

本縣城隍輔德尊神

通天都府司瘟王者

下界行瘟一切尊神

當方土地社令神祇

飛符傳語齋奏之神

一切大慈悲。十方諸神衆。祥雲滿虛空。

弟子今頂禮。願存三大願。普注人人身。

弟子今世非。以及前生惡。悉令得消除。

永生行善心。

志心歸命禮

傳經仙師洞玄無上帝君三稱三叩畢

是時○諸天尊帝。集清微之天。臨虛明之殿。

三清上座。列聖中分。有一高真。孚佑帝君。出

班稽首。而曰

諸天尊言。弟子今觀下界。善緣結自西南。洞玄

大開經典。度人無量。奉教推施。明德新民。天  
恩無既。臣願述洞玄經。讚曰。人習洞玄經。  
人習洞玄經。定生方正心。人習洞玄經。  
定生慈祥心。人習洞玄經。定生清淨心。  
人習洞玄經。定生智慧心。人習洞玄經。  
定生超悟心。人習洞玄經。定生仙佛心。  
伏以

洞玄經者。諸天尊之寶訓。四大洲之祥光。此經  
在處。萬神皆護。此經在處。萬仙同助。於是說  
洞玄大懺。拜謝天恩。人禮洞玄懺。能解疾苦厄。  
人禮洞玄懺。能解刀兵厄。人禮洞玄懺。能解  
能解是非厄。人禮洞玄懺。能解水火厄。人禮  
人禮洞玄懺。能解邪魔厄。人禮洞玄懺。能解  
能解網羅厄。



。合掌賡歌。和聲而退。復次

玄天大帝謁。

玉虛之座。進

金闕之庭。恭上瑤函。懇垂寶誥。

誥曰

玉虛上相。金闕高真。德暢人神。經開井鬼。廣  
三千之功行。醒億萬之沉迷。昔從元嶽而成真。  
今繼玄天而闡化。扶正教。無黨無偏。闢旁門。  
有聲有色。誅殺乾坤之方士。挽回道德之宗風。  
指先天而對月。招後進以昇雲。妙道無方。玄微  
莫測。至靈至聖。至大至尊。體合自然。神凝般  
若。三教真宰。一氣權衡。參法天師。洞玄帝君  
。猶龍六祖。隱仙寓化。虛微普度天尊。  
洞玄帝君。拜受誥已。

諸天神聖。亦返天宮。只見祥雲冉冉。華日輝輝。  
帝君乃返本壇。敷說此經。而爲世人言曰。  
願以此功德。推及於萬世。  
與一切衆生。皆成無上道。

志心朝禮

諸天度人無量經三稱而退

洞玄經者。度世之航也。經中所述。皆諸天  
垂訓法語。我三丰先生。遵經演之洞明玄蘊  
。洞達玄微。於是受封洞玄帝君。於是說此  
洞玄真經。有緣遇此。寶之重之。弟子西月

敬誌

菩提圓妙經

偈曰

談經闡妙出塵埃。雲鼓三聲坐法臺。  
日上峯頭旋過去。還應紅到別山來。  
菩提言。我昔在太和庵中。敦修玄教。內抱真如。  
。隱顯度人。現種種相。作種種方便。勤立功行。  
。以待天符。塵垢滿衣。常樂我靜。日坐菩提樹  
下。與弟子圓慶。及諸比丘徒俱圓慶。爾觀此菩  
提妙種。無香有香。香無不聞。無光有光。光無  
不照。香光遍滿。總屬無心。乃念我佛上乘。本  
性充足。慈悲普護。自然寂照。亦非有心。是曰  
菩提。菩提嘉名。實始於此。昔往西天神遊。參  
禮世尊。啓請釋旨。默契禪宗。世尊大喜。勅讚  
宣揚。而與大衆言曰。。  
神光熙照。性海澄清。在塵出塵。隱世度世。現  
醫身而扶危拔困。倡大衆而闡道傳經。果証大羅

金仙。道比達摩尊者。大仁大願。大慈大悲。玄  
玄祖師。救難天尊。邈邈靜光佛菩薩。摩訶薩。  
翌往南海落迦。瞻仰尊者。潮音浩浩。佛法無邊。  
。啓請佛意。得並釋宗。因爲誦菩提妙經。讚揚  
慈悲。觀音覺王。即無甘露而爲祕咒。助我功德  
。西南兩參。香光同盛。法周沙界。性體圓充。  
釋佛大乘。咸如我道。今付梵鼓。朗誦菩提。  
於意云何。而名爲釋。世尊云。吾好釋。故以釋  
開教。取釋去萬緣之意。於意云何。而又爲佛。  
慈航云。吾好佛。故體佛設教。取覺悟衆生之意  
。如是我聞。釋主離世。如是我聞。佛主醒世。  
釋中有佛。無香光。自有香光。如菩提然佛中有  
釋。有香光。本無香光。亦如菩提然。釋典佛經  
。無非超脫塵垢。警悟沉迷。是故世尊清淨。復

得慈航清淨。世尊總其清淨。慈航普其清淨。非  
有所執其清淨。非有所壞其清淨。非有所吝其清  
淨。乃至無清淨。非清淨亦清淨。是大  
清淨。是滿清淨。人能唄誦菩提。必得清淨心。  
必得般若心。但得般若。便忘般若。不忘般若。  
即非般若。既非般若。不名般若。非般若。乃  
是般若。得般若者。是謂之釋。是可成釋。是有  
釋。是釋非有釋。是釋自有釋。是謂之佛。  
。是可成佛。是有佛。是佛非有佛。是佛自  
有佛。世尊如是也。慈航如是也。即沙門比丘  
。亦如是也。不如是。能成釋不也。不如是  
。能成佛不也。何以故。即釋是釋。非釋即  
非釋。即佛是佛。非佛即非佛。何以故。釋外無  
釋。取釋為釋。佛外無佛。取佛為佛。何以故。

釋釋釋意。並無釋意。乃已釋意。佛佛佛念。並無佛念。乃實佛念。不釋而釋者上乘。不佛而佛者大乘。佛釋之經藏。即釋佛而成藏。是名正法眼藏。

菩薩述已。爾時青鸞白鳳。交加和鳴。圓慶暨諸比丘徒衆。皆大歡喜。歎爲稀有。頂禮持行。即述慈航咒曰。菩提諦。菩提揭諦。揭菩提諦。諦揭菩提諦。菩提薩埵諦。菩提薩摩訶。揭菩提諦。諦揭菩提諦。菩提

菩提一經。蓋得於西湖慈淨寺。如湛上人者。上人爲芟虛大師法孫。芟虛者。江南高僧也。幼精禪旨。業宗大乘。晚主慈淨寺。推重此經。入寂後。如湛珍藏者二十餘年。道光初。來游峩眉。與如湛遇甚洽。因以此經相示。並云

玄教之中。有此菩提。而人不識也。其時劉楊諸君。採輯全書。適得此本。因恭錄而敬存之。邈邈靜光佛代傳普陀大慈明心神咒。觀自在菩薩。摩訶薩。從定觀中。俯視苦海。蔑內車諸不善道。乃以阿闍鞞掃除諸不善道。普願三千大千世界中人。若俱胝。若僧胝。若毘盧遮羅。悉令回心向善。善心那羅延。無分三千大千中人。是何賓頭虜。是何頗羅墮。皆得登波羅密多。皆得登阿耨多羅三藐三菩提。即說陀羅尼真言曰。唵。念念念。念念念。阿鞞跋致。如如耶。摩訶菩提。菩提薩。埵乾陀訶提。菩提薩摩訶。和南觀世音。親授大慈咒。

願以此功德。提醒無量衆。  
曩謨大慈尊。觀自在菩薩。摩訶薩三稱

鍾偈隱仙派寺觀所用

十方塵靜。三一二叩鐘聲。宣普度之靈文。演清虛

之妙品。伏願君王仁聖。萬國承平。更祈父母康

寧。千家和順。自古忠貞節烈。箇箇揚名。從今

痛苦顛連。人人獲慶。九幽六道。四生。回元返

本。古墓荒郊冷殯。度魄超魂。廣拔乎刀兵水火

。瘴疫夭亡之輩。各免悲鳴。並祝乎鰥寡孤獨。

羈旅流離之人。咸歸順境。合陰陽而全性命。能

消罪垢凡塵。憑德行以立乾坤。可對天高地迥。

爲儒爲佛。能週一十二萬遐齡。希聖希真。不落

三千六百邪徑。掃除悲傷恐懼。愛慾貪嗔。降伏

意馬心猿。虎情龍性。福祿來成。天上神仙接引

。山門清淨。人間道炁長存。

志心朝禮

先天一炁。三清道祖天尊。

志心朝禮

昊天金闕。高上玉皇天尊。

志心朝禮

九天應元。雷聲普化天尊。

志心朝禮

太乙救苦。尋聲赴感天尊。

志心朝禮

歷代傳道。無上衆聖祖師。

志心朝禮

歷劫掌道。無上衆聖仙師。

志心朝禮

諸天諸地。嶽瀆神祇。

志心朝禮

北斗南斗列宿星君。

志心朝禮

盡虛空界。一切靈感衆神。

志心朝禮。無量解厄經。

志心朝禮。無量度人經。